

799 et de^a honestate morum inter paganos, quia conversationis dignitas solet eos erudire in praedicatoribus sicut verborum veritas. Sed quia spero cito vos miserante Deo videre, melius haec conloquendo putavi conferre quam scribendo innotescere. Nec maiorem ardorem habet animus vester quam meus conloqui vestri^b. Ideo rogemus Dei clementiam, ut concedat nobis in sua misericordia et in nostra prosperitate videre nos cito facie ad faciem. 5

Gratia domini nostri Iesu Christi te in omni bonitate proficere faciat^c, fili carissime. Amen^d.

166.

*Alcvinus Elipantum Toletanum episcopum cohortatur, ut et ipse suos de adoptione et nuncupatione Christi errores abiciat et Felicem Urgellitanum episcopum ceterosque Hispaniae christianos ad bonam frugem revocet*¹. 799.

Codd. P fol. 20—27' (P fol. 1—6), Parisinus 2388 fol. 1sq. (Pa), quem contulit Molinier^a.*

Edd. Quercetanus col. 901—910 ex codice iam deperdito ecclesiae S. Mariae Remensis, Frobenius I, 863—868, J 115. — Migne CI col. 235.

VENERABILI ET IN CHRISTI KARITATE AMABILI PATRI ELIPANTO^b EPISCOPO ECCLESIASTICAE PACIS^c FILIUS ALBINUS LEVITA SALUTEM. 15

Perfectio fraternae karitatis in gremium pacifice unitatis multos colligere amicos gaudet^d; et quoddam^e arbitratur esse dispendium sibi ipsi, si non seipsum^f latius commendare studet ad^g viros famosi nominis et laudate pietatis, ut sit unanimitas spiritalis vere dilectionis, licet quedam sit^h separatio corporalis visionis. 20

Haec meaⁱ diligentius considerans parvitas^k meipsum sacrosanctis vestrae beatitudinis orationibus multis precibus, vir venerande^l, diligentius commendare studui, optans vestra^m sanctissima dilectione auxiliante proficere ad salutem animae meae; ut et vestra merces ex nostro augeatur profectu, et meaⁿ diligentia bone voluntatis vobis aliquid conferat in karitatis officio; quatenus domino deo nostro Iesu Christo vestre humilitatis in dilectione fraterna communicatio placeat et nostre parvitat^{is} in salute multorum acceptabilis sit devotio. Consequitur^o enim^p vestram dilectionem magna remuneratio apud Deum et plurima inter homines laudatio, si fraterni^q consilii in ecclesiastica pace non dedignemini recipere profectum. Igitur ab ipso Deo Dei filio praedicata est in duobus minutis pauperrimae viduae sanctissima devotio. Non ego duo minuta in templum, Romano periturum incendio, defero, sed duo magna praecepta caritatis in templum Dei vivi, animam scilicet, sacerdotali dignitate praerogativam, offero. Nec fas est vilitatem offerentis spernere, sed magnitudinem muneris considerare. 30

Tu enim es, sanctissime praesul, civitas super montem posita, quae nullatenus abscondi potest. Cuius murus nequaquam debet insidiosis cuniculis cuiuslibet perfidie alicubi perforari, sed firmissimo catholice fidei munimine ex omni parte circumdari, 35

^a) om. B. ^b) nostri S 1b. ^c) fiat S 1b. ^d) om. B.

166. ^a) Lemma: Epistola (Aepistola Pa) Albinus Turonensis abbatis (Tur. abb. om. Pa) ad Elipantum (Aelip. Pa) Toletanum (Thol. Pa) episcopum (archiepiscopum vel potius archiereticum Pa) P, Pa. ^b) Helip. Pa. ^c) atque unitatis add. Pa. ^d) concorditer solet pro gaudet Pa. ^e) quondam P. ^f) ipsam Pa. ^g) apud Pa. ^h) om. Pa, Querc. ⁱ) mecum Pa. ^k) parvitas — ipsum om. Pa. ^l) vir vener. om. Pa. ^m) sacratissima vestra dilectione deo auxiliante Pa pro vestra — auxiliante. ⁿ) meq Pa. ^o) continget scripsit J. pro constat P; consequitur Pa, Q. ^p) etiam Pa. ^q) fratrum Pa.

1) Epistolam hanc exeunte Iulio ad Elipantum pervenisse ex epist. 182 perspicui potest. J. Anno 799. ineunte eam iam scriptam esse contendit Grössler l. l. p. 51. 45